

UNIVERZITET U TUZLI

Ul. Dr. Tihomila Markovića br. 1

Broj: 01-87-JN-10/25 LOT 3

Tuzla, 24.06.2025. godine

Na osnovu člana 70. stav (1) i stav (3) Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r) Statuta JU Univerziteta u Tuzli broj: 03-5695-1-2/23 od 18.10.2023. godine, a nakon razmatranja Zapisnika Komisije o pregledu i ocjeni ponuda broj: 01-87-JN-9/25 LOT 3 od 18.06.2025. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, Direktor za ekonomske poslove, donosi

ODLUKU O IZBORU NAJPOVOLJNIJEG PONUDAČA

I

U Otvorenom postupku javne nabavke usluga štampanja upisnog materijala za akademsku 2025/26 godinu (LOT 3) za potrebe Univerziteta u Tuzli u 2025. godini, kao najpovoljniji izabran je ponuđač "EUROGRAFIKA" d.o.o. Zvornik, te se istom dodjeljuje okvirni sporazum i ugovor o nabavci usluga.

II

Ponuda ponuđača iz tačke I ove Odluke odabrana je na preporuku Komisije za predmetnu nabavku u skladu sa Zapisnikom pregledu i ocjeni ponuda a iz razloga što kao prihvatljiva u svemu zadovoljava uslove postavljene u Tenderskoj dokumentaciji.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH navedene u tački 8. Tenderske dokumentacije.

IV

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

V

Ova Odluka stupa na snagu sa danom donošenja i za njeno sprovođenje se zadužuje Odjeljenje javnih nabavki i investicija.

O b r a z l o ž e n j e

Univerzitet u Tuzli pokrenuo je postupak za izbor najpovoljnijeg ponuđača za nabavku usluga štampanja upisnog materijala za akademsku 2025/26 godinu (LOT 3) za potrebe Univerziteta u Tuzli u 2025. godini, sa zaključenjem Okvirnog sporazuma sa jednim ponuđačem, putem Otvorenog postupka javne nabavke broj: 01-87-JN-2/25 od 22.04.2025. godine objavljenom na Portalu javnih nabavki od dana 25.04.2025. godine pod brojem: 795-1-1-72-3-75/25, u "Službenom glasniku BiH" broj 27/25 od 09.05.2025. godine i WEB stranici Univerziteta. U ostavljenom roku na propisan način tenderskom dokumentacijom ponudu su dostavila dva ponuđača: Z.R. "MEGA PRINT" Zvornik i "EUROGRAFIKA" d.o.o. Zvornik.

Komisija konstatuje da je na Protokol ugovornog organa dana 14.05.2025. godine zaprimljena koverta ponuđača "OXYGEN" d.o.o. Sarajevo na kojoj je naveden **BROJ NABAVKE: 01-88-JN-1/22** za LOT 1, LOT 2, LOT 3 i LOT 4. Uz kovertu je dostavljena i kopirana prednja stranica koverta na kojoj se nalazi original pečat firme "OXYGEN" doo Sarajevo kao potvrda da je ponuda od navedenog ponuđača predana ugovornom organu. Obzirom da je na koverti naveden **BROJ NABAVKE: 01-88-JN-1/22** ista nije zavedena u Zapisnik o prijemu ponuda

za predmetnu nabavku čiji je **BROJ NABAVKE: 01-87-JN-1/25**, usljed čega nije predata Komisiji za predmetnu nabavku i kao takva nije otvarana na javnom otvaranju ponuda. Detaljnim pregledom utvrđeno je da zaprimljena koverta ponuđača "OXYGEN" d.o.o. Sarajevo nije dostavljena na način kako je navedeno u tački 4.4 Tenderske dokumentacije: *"Na koverti ponude mora biti naznačeno: naziv i adresa ugovornog organa, naziv i adresa ponuđača u lijevom gornjem uglu koverta, evidencijski broj nabavke, naziv predmeta nabavke, sa naznakom "ne otvaraj".* Na koverti ponuđača "OXYGEN" doo Sarajevo **nije naveden ispravan evidencijski broj nabavke a niti je naveden naziv predmeta nabavke** te je takva ponuda ocijenjena kao nepravilna i nije išla u dalju proceduru.

Komisija za provođenje postupka javne nabavke izvršila je detaljan pregled i analizu ponuda zaprimljenih na propisan način tenderskom dokumentacijom te utvrdila da su oba ponuđača dostavila sve dokaze zahtijevane tenderskom dokumentacijom, zbog čega su ocijenjeni kvalifikovanim za dobro izvršenje posla, a njihove ponude su ocijenjene kao prihvatljive.

Rang lista prihvatljivih ponuda je kako slijedi:

1. Z.R. "MEGA PRINT" Zvornik - 10.980,00 KM bez PDV-a,
2. „EUROGRAFIKA“ doo Zvornik - 13.900,00 KM bez PDV-a

Komisija je utvrdila je da je cijena ponude prvorangiranog ponuđača Z.R. "MEGA PRINT" Zvornik za više od 20% niža od cijene drugorangirane ponude ponuđača "EUROGRAFIKA" d.o.o. Zvornik. U skladu sa tačkom 16. tenderske dokumentacije, ponuđaču Z.R. "MEGA PRINT" Zvornik je upućen Zahtjev za objašnjenje neprirodno niske cijene broj: 01-87-JN-8/25 LOT 3 od 13.06.2025. godine. Ponuđač Z.R. "MEGA PRINT" Zvornik u ostavljenom roku nije dostavio objašnjenje cijene ponude. U skladu sa članom 66. stav (1) ZJN ponuda navedenog ponuđača se odbacuje jer nije dostavljeno zahtijevano pojašnjenje i nije išla u dalju proceduru.

Budući da ponuda ponuđača „EUROGRAFIKA“ d.o.o. Zvornik zadovoljava sve postavljene uslove utvrđene Tenderskom dokumentacijom, to je Komisija dala preporuku da se navedenom ponuđaču dodijeli okvirni sporazum i ugovor.

Zaključivanje okvirnog sporazuma je predviđeno u trajanju do 31.12.2025. godine u iznosu procijenjene vrijednosti nabavke za LOT 3 - 16.100,00 KM bez PDV-a, a usluge će se pružati prema potrebama ugovornog organa nakon pojedinačno zaključenog ugovora po jediničnim cijenama iskazanim u ponudi.

Cijeneći sve naprijed navedeno Direktor za ekonomske poslove Univerziteta u Tuzli prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:
01-87-JN-9/25 LOT 3 od 18.06.2025. godine

DOSTAVITI:
1x učesnicima
1x a/a



DIREKTOR ZA EKONOMSKE POSLOVE
Aldem Osmanbegovic, dipl. ecc.